



REPUBLIKA E KOSOVËS - REPUBLIKA KOSOVA
KOSOVA CUMHURIYETI
Komuna e Prizrenit - Opština Prizren
Prizren Beledijesi
Kryetari / Komuna / Predsednik Opštine
Beledije Baskani

01 Nr. 92/21 Dt. 25/03/21

Pranuar nga	15.04.2021
Zyra e pranimit	Nr. i protokollit
308	01-124



UNIVERSITETI "UKSHIN HOTI"
UNIVERSITY "UKSHIN HOTI"



KOMUNA E PRIZRENIT
MUNICIPALITY OF PRIZREN

MARRËVESHJE MIRËKUPTIMI

Për bashkëpunim në fushën e pylltarisë

ndërmjet:

Drejtorisë për Bujqësi, Pylltari dhe Zhvillim Rural Komuna Prizren

dhe

Universitetit "Ukshin Hoti" në Prizren (UPZ)

Neni 1
Qëllimi

Qëllimi i kësaj Marrëveshjeje të Mirëkuptimit (më tutje Marrëveshja) midis Drejtorisë për Bujqësi, Pylltari dhe Zhvillim Rural Komuna Prizren dhe Universitetit "Ukshin Hoti" në Prizren (UPZ) (më tutje Palët) është realizimi i Programit të Menaxhimit të Qëndrueshëm të Pyjeve në sektorin e pylltarisë, bazuar edhe në Strategjinë e Pylltarisë 2010-2020.

Neni 2
Fushëveprimi

1. Kjo Marrëveshje përmban kornizën e punës si dhe përgjegjësitë e palëve për realizimin e aktiviteteve të ndryshme në kuadër të Menaxhimit të Qëndrueshëm të Pyjeve, dhe rritjes së cilësisë së shërbimeve në pyje.

Neni 3
Kohëzgjatja

Marrëveshja do të fillojë së zbatuari nga data 01 Shkurt 2021 dhe do të zgjasë deri më 31 Dhjetor 2024.

Neni 4
Baza e Bashkëpunimit

Bazë e bashkëpunimit për realizimin e kësaj Marrëveshje është legjislacioni i aplikueshëm i Republikës së Kosovës.

Neni 5
Të drejtat dhe përgjegjësitë e Drejtorisë për Bujqësi, Pylltari dhe Zhvillim Rural Komuna Prizren

1. Të drejtat dhe përgjegjësitë, të cilat do t'i ushtrojë Drejtorisë për Bujqësi, Pylltari dhe Zhvillim Rural Komuna Prizren janë si në vijim:

1.1 Të presë, të asistojë teknikisht dhe të monitorojë studentin/tët duke caktuar një nga punonjësit e vet si udhëheqës të tij. Udhëheqësi të jetë një specialist me përvojë sa më të madhe të jetë e mundur dhe sa më afër profesionit të studentit dhe objektivave të praktikës.

1.2 Të lejoj qasje të pakontestueshme për studentët dhe profesorët e Universitetit "Ukshin Hoti", në rastet e praktikave dhe seminareve që duhet të zhvillohen nëpër pyjet e Komunës së Prizrenit.

1.3 Në ndonjë rast eventual të ndihmojë UPZ-në, me transport të studentëve dhe profesorëve deri në ndonjë pyll të afërt për marrjen e mostrave për studime, dhe praktikave eventuale.

1.4 Të ndihmojë Universitetin "Ukshin Hoti" Prizren, me ndonjë nga pajisjet teknike, që i nevojiten këtij Universiteti për funksionalizimin e laboratorëve.

1.5 Të vlerësojë me shkrim punën, angazhimin dhe efektivitetin e praktikës profesionale të studentit, duke u ndalur veçanërisht në përfitimet e realizuara prej tij dhe në sugjerimet për fakultetin me qëllim përmirësimin e praktikës së studentëve të tjerë në të ardhmen.

Neni 6
Të drejtat dhe përgjegjësitë e Universitetit "Ukshin Hoti" Prizren

1. Të drejtat dhe përgjegjësitë e Universitetit "Ukshin Hoti" në Prizren janë si në vijim:

1.1 Të ofrojë mbështetje profesionale për ndonjë rast eventual, si në rast ekspertizash apo vlerësime profesionale pa pagesë.

1.2 Të ofrojë mbajtje të Ligjëratave dhe ndonjë trajnimi eventual për teknikët dhe inxhinieret e rinj, brenda auditorëve të UPZ-së, pa pagesë.

1.3 Tu krijoj mundësi Komunës së Prizrenit, shfrytëzimin e laboratorëve për rastet e ekspertizave profesionale.

Neni 7
Mospajtimet dhe paqartësitë

Nëse njëra nga palët në këtë Marrëveshje është e pakënaqur me bashkëpunimin e palës tjetër, atëherë duhet të njoftojë me shkrim. Në raste të tilla, të dy palët do të bëjnë përpjekje për të gjetur mënyra për të vazhduar bashkëpunimin.

Neni 8
Ndërprerja e Parakohshme

1. Secila Palë mund ta ndërprejë këtë Marrëveshje brenda 30 (tridhjetë) ditëve pas dhënies së njoftimit me shkrim, nëse Pala tjetër nuk është në gjendje apo në ndonjë mënyrë pengohet në përmbushjen e obligimeve dhe përgjegjësisve të veta sipas Marrëveshjes, duke vënë në rrezik arritjen e objektivave të Programit, me kusht që Palët janë konsultuar, por pa sukses, në një përpjekje për të eliminuar pengesën.

2 Pas njoftimit për ndërprerjen, siç parashikohet në paragrafin e mësipërm, Palët menjëherë duhet të ndërmarrin hapat e nevojshëm për të finalizuar aktivitetet e tyre sipas kësaj Marrëveshjeje duke e bërë këtë me shpejtësi dhe në mënyrë të organizuar me qëllim të minimizimit të humbjeve dhe shpenzimeve shtesë.

Neni 9
Modifikimi i Marrëveshjes së Mirëkuptimit

1. Kjo Marrëveshje mund të ndryshohet apo plotësohet me një aneks marrëveshje të nënshkruar në mes palëve dhe vlen për afatin e përcaktuar si në nenin 3 të kësaj Marrëveshjeje.

2. Marrëveshja është hartuar në katër (4) kopje identike, nga të cilat nga dy kopje u jepen palëve.

Neni 10
Aneksat e marrëveshjes

Plani i detajuar i aktiviteteve do të zhvillohet nga të dy palët pas hyrjes në fuqi të kësaj marrëveshjeje.

Neni 11
Hyrja në fuqi

Kjo Marrëveshje hyn në fuqi në ditën e nënshkrimit nga palët.

PALËT NËNSHKRUERE


Kryetari
Prof. dr. Isaher Haskuka
Komuna e Prizrenit


Rektori
Prof. asoc. dr. Ismet Temaj
Universiteti "Ukshin Hoti"

Prizren: __/__/____